

漁家傲

拋卻俗情韉鎖解般般放下身輕快絕盡塵情忘世態無人采
本來一點常安泰 處處惟求真自在誰能出貨圖人賣不是
閑人并鬼怪無相礙何勞盤果香煙賽

其二

伎倆全無癡懵懂紛華世事看如夢贏得一生心底空忘塵冗
客來不管相迎送 我自情踈誰與共愛閑不願人欽重看罷
南華無所用休相哄老來生怕閑般弄

感皇恩

傳火付前薪花聯葉綴嚙下頑涎弄神鬼戲臺子上抹土搽灰

道藏輯要

雲山集 二

三

又昇集六 川 811

相繼是非名利裏虛生死 谷董謾他葛藤自繫試看棚頭五
田子聲銷線斷伎倆都無如此謾崢嶸不省誰驅使

其二

合浦未還珠空撈赤水蒿目蓬心兩何濟縱令垂手援溺孜孜
爲意奈洪波浩汗爭沈底 槐裏圖勳枕中得意說與重玄淡
無味木鷲休放三老歸來沈醉對晴波不用雲霞餌

其三

未始出吾宗波流變化欲假言傳又何暇平懷本分日用分明
真假更何勞向外尋嬰姪 八面玲瓏元無罣礙今古商量未
嘗罷據梧枝策都付閑中談話寶珠無盡藏誰酬價